

北京圖書館 編

北京圖書館藏珍本
年譜
叢刊



第 198 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 198 冊



第一九八冊目錄

盧慎之自訂年譜	一
演蒼年史	七
陳英士先生年譜初稿	九三
今傳是樓主人年譜	一〇七
金公年譜	一一七
松石齋日記摘錄	一三五
李氏復仇實錄	一九三
蔡渭生自編年譜	二八三
雪生年錄	三三七
崇翰池年記	四七九

盧慎之自訂年譜

光緒二年丙子閏五月二十八日生

十九年癸巳十八歲娶傅氏

二十一年乙未二十歲入泮考入經心書院

二十三年丁酉二十二歲考入兩湖書院

二十四年戊戌二十三歲歲試一等第四名補廩刻天演論勸學篇

二十六年庚子二十五歲奉派游歷日本

二十八年壬寅二十七歲奉派往日本習師範母故回國

二十九年癸卯二十八歲往保定任軍學編譯局事

三十年甲辰二十九歲往日本入同文書院

三十一年乙巳三十歲入早稻田大學政治經濟科

三十三年丁未三十二歲編譯政法經濟各書

三十四年戊申三十三歲早稻田大學畢業，應學部試得舉人。

宣統元年己酉二十四歲游歷蘇杭，往北京，應試分吏部考功司，轉民政部疆里司，到奉天，閱考試優拔卷，經大連煙台回南，迎父親北來天津，到黑龍江，入撫幕，隨節到滿洲里。

二年庚戌三十五歲兼辦交涉局調查局。

三年辛亥三十六歲會議滿洲里界務，請憲政編查館。

民國元年壬子三十七歲任國務院秘書，蒙藏院顧問。

二年癸丑三十八歲父故，享年八十四歲。

四年乙卯四十歲任平政院評事，文官懲戒會委員。

六年丁巳四十二歲任平政院庭長，覆新疆實業廳長書。

十一年壬戌四十七歲撰湖北先正書目緒言，札記，李子銘集序。

十二年癸亥四十八歲湖北先正遺書序，節庵遺詩跋，記周幼珊事。

十三年甲子四十九歲萬里游草跋擊筑餘音跋

十四年乙丑五十歲伯兄木齋七十壽序木皮鼓詞跋無何集跋覆北京大學書

十五年丙寅五十一歲沔陽州志跋左笏卿八十壽序

十六年丁卯五十二歲李星樵六十壽序

十七年戊辰五十三歲木齋圖書館記吳孝女記

十八年己巳五十四歲覆王季薌書故宮博物院聘任為圖書館委員
十九年庚午五十五歲致伯兄木齋論國志書河源紀略跋

二十年辛未五十六歲沔陽叢書序潛廬類稿序鍾祥金石考序

二十一年壬申五十七歲良齋詩集序送戴海珊南歸序

二十二年癸酉五十八歲遷居天津沈觀齋詩序潛廬隨筆序

二十三年甲戌五十九歲先妣事略

二十四年乙亥六十歲伯兄八十壽序、室人六十壽序、慎始基齋校書圖
題詞自序、覆胡綏之書、二姊事略、

二十五年丙子六十一歲三國志集解序例

二十六年丁丑六十二歲七七事變楚師儒詠序、寶廬全集序、

二十八年己卯六十四歲天津大水、懺齋詩集序、胡綏之撰三國志集解
序、

二十九年庚辰六十五歲嫂逝世、享年八十七歲、

三十年辛巳六十六歲補三國兵志序、卞氏譜序、

三十二年癸未六十八歲伯兄木齋事略、莊子正序、

三十三年甲申六十九歲住醫院、續通鑑目錄序、

三十四年乙酉七十歲抗戰勝利、知止樓雜詠、

三十五年丙戌七十一歲七一自述、亡女哀辭、論語正序、

三十六年丁亥七十二歲竇后傳書後嚴侍郎墓碑。

三十七年戊子七十三歲伯兄逝世享年九十三歲室人逝世室人墓碑。

三十八年己丑七十四歲人民政府成立石雪齋詩序盧氏五孀傳。

一九五〇年庚寅七十五歲石雪齋文集序鈔成三國志集解補二卷。

一九五二年壬辰七十七歲藝苑叢鈔序伯兄年譜自訂年譜整理國故方案聲調簡說鈔慎園分體詩六卷閱水經注三國志集解。

一九五三年癸巳七十八歲編輯木齋遺稿清理木齋家書朋舊函札詩箋約擇存百分之一二借閱金浚宣藏書有跋語題詞。

一九五五年乙未八十歲木齋遺稿印成慎園詩集刪定錢默存撰慎園詩集序。

一九五六年丙申八十一歲政協會天津市委員會特邀列席會議因老病請假王欣夫撰慎園文選序金浚宣撰慎之事略。

一九五七年丁酉八十二歲鄒高遺書序，古籍出版社印行三國志集解六十
五卷集解補二卷。

一九五八年戊戌八十三歲慎園詩文集，友人刪去泰半，寫印詩選十一卷，文
選三卷。

戴翁果園物色，石君貢航寫印慎園文選，石君曾寫西泠印社志稿，果園
詩鈔，書法工整，見賞藝林，戴翁八十高齡，周旋真摯，情誼可感，書此誌謝。
公元一九五八年戊戌夏日八十三叟盧慎之識

前奉天教育廳廳長



武進謝蔭昌之遺像

余於戊巳之際得胸膈疾就醫於遼寧之南滿病院日東守中先生名醫也以愛克
斯光燭予內腑三次告予妾鍾氏曰廳長病已不可治汝應早爲計鍾乃泣而電予
弟炳昌自吉林予妻薛氏仲子元自江蘇季子強自東京至草遺囑二十三葉畢而
仍不死支衾伏枕日書三四千字倦則投筆臥墨瀟淋漓牀簣不顧也藥罐茶竈一
燈熒然廻思少而壯壯而老老而死一生之事業在教育歷史在遼寧遼蓋吾第二
故鄉爲三十年心力所瘁之地吾一瞑後魂魄猶戀此而遺命埋骨於是者也乃綜
吾生平之歷史凡吾之殫心瘁慮本吾志之所在心之所安余以委宛曲折而獲效
果者按年條列以供異日編遼省教育史及地方史者之參考其奔走呼號椎心嗜
口竭寸衷之所結歷九死而不悔而事變於意外功敗於垂成爲余蓋棺之遺憾者
又有四焉

(一)以民治政策興三省之墾殖(事詳本史光三四)

(二)縮小日本商租雜居範圍以限制南滿之區域(事詳本史民四)

(三)打破現行貴族制之教育爲平民化(事詳本史民三)

(四)收回南滿鐵道用地國民教育權(事詳本史民八民十二)

此四者余任教育廳時辛苦擘畫慘淡經營欲於遼寧方面教育前途挽千載之陸沉樹百年之碩畫而未果者也其幸而成者余不敢以爲功其不幸而敗者深願繼起賢豪後死同志拚一息排萬難再接再厲以期其成並以慰余病榻支撐咯血作史之餘痛則余雖死猶生也

民國十八年十一月前奉天教育廳長謝蔭昌識

演蒼年史

謝蔭昌自述

清光緒三年丙子蔭昌生於江蘇常州府武進縣城之西廟溝溯我謝氏自太平軍革命曾王父秋樵贈公曾伯祖秉文公全家及王母鈕太淑人殉其變王父崑鉅贈公挈皇考父子二人歸而縣城東太平巷祖宅已燬僦居於濟美堂莊宅旋移東下塘朱宅王母袁太淑人母邵太淑人先後來歸旋又移於西廟溝於光緒二年十二月十八日巳時生蔭昌時王父教授鄉里皇考亦設帳授徒從學者皆一時俊彥三日湯餅極一時之盛焉

光緒五年己卯年四歲是年宜妹生王父考終於邑之萬塔村我曾王父秋樵公爲李中耆先生高弟王父生秉庭訓爲文不主宗派瓣香申耆先生外尤服膺汪容甫言有清一代惟汪李二家爲能集漢魏唐宋之長而自出機杼光緒四年萬塔村舊弟子請其設帳遂移家焉王父考終時猶抱余親額思之泫然

光緒六年庚辰年五歲時皇考繼王父設帳授徒二十人以余每日牽皇考裾欲隨之入塾皇考秉曾王父王父教則誨蒙先授爾雅每日教余數行琅琅成誦

光緒七年辛巳年六歲授孝經論語

光緒八年壬午年七歲西郭普濟橋房屋成遂移家焉皇考即於西郭教授授孟子是年桂昌弟生

光緒九年癸未年八歲皇考隨王父盟弟莊鳳梧太守赴浙戎幕請耆儒朱霜卿先生教余及五叔德生六叔冬生仍讀孟子

光緒十年甲申年九歲從袁氏母舅授詩經在王母鈕太淑人之姊計太孺人家食宿

光緒十一年乙酉年十歲皇考從浙幕回應清江朱心如觀察之聘挈余同往授禮記選讀大蘇文皇考秉曾王父王父教則教文先讀大蘇以選本有宗派令余手抄誦讀

光緒十二年丙戌年十一歲授書經易經選讀歐曾老蘇韓柳文並試作二三百字之論說是年詩妹生

光緒十三年丁亥年十二歲授春秋左氏傳選讀李氏駢體文鈔並講習段氏說文淮安自宋以來未遭兵燹舊書肆售書不論殘整自地堆至屋脊每冊青錢七文須自往揀擇每日下課皇考囊錢百文令余至肆選書每空囊質衣歸後竭數月之力配成宋版六臣文選一部歸而集宴相賀現存永姪處以皇考臨終猶置此書於枕側慈親不欲子孫携出也

皇考每日夕陽西下携余登淮陰釣臺俯仰吟嘯令余作登淮陰釣臺文及漂母祠記文成傳觀淮上名流頗相期許晚伺皇考顏色亦似欣然

光緒十四年戊子年十三歲皇考患日疾辭館歸設帳於家授周禮儀禮並四史資治通鑑是年炳昌弟生

光緒十五年己丑年十四歲以皇考病助之教授皇考教之研修二十二子五禮通

考並讀公羊穀梁

光緒十六年庚寅年十五歲仍助教皇考教之研讀困學紀聞日知錄天下郡國利病書讀史方輿紀要李氏五種

光緒十七年辛卯年十六歲遷居鎖橋灣自立教授以養親最嗜顧氏方輿紀要一書搜集清代名人地志爲之補證

是時所作文時與皇考家法牴牾皇考宗汪李二家尙雅潔余則習縱橫家言喜駿麗雄快之文時受呵責

光緒十八年壬辰年十七歲始爲應舉文

時皇考友人莊華生茂才以能應舉文鳴於世嘗勸皇考令余習舉業皇考歎曰余家三世家傳自有本源讀書通博亦足成名莊先生曰君家三世傳雜學不工舉業愈學愈窮此兒英發能取科第何必再以苦李自甘皇考以目疾不能批改乃令余從陳士林先生習時文陳授以小題正鵠歸而讀之頭涔涔痛乃棄去自擇八銘文